

欽定大清會典事例

欽定大清會典事例卷五百十六

禮部

燕禮

皇太后宮筵燕

皇太后宮筵燕。凡三大節。

皇太后宮筵燕之禮。至日。內鑾儀衛設

皇太后儀駕於

慈寧門外。至

長信門外。內監設中和韶樂於

慈寧宮檐下。設丹陛大樂於

慈寧門內檐下。東西兩旁。俱北嚮。進爵命婦。及前引

並引禮散茶之侍衛命婦俱蟒服內務府視設  
席尚膳女官內管領妻設

皇太后御燕卓於

寶座上稍遠

寶座之東僉設

皇后燕卓稍後設

皇貴妃

貴妃

妃

嬪卓又後設公主福晉以下鄉君入八分公夫人

以上卓重行。東西相嚮。丹陛上設公侯伯子男  
滿洲一二品大臣命婦侍衛妻卓。東西相嚮。於  
慈寧門外正中張黃幕。幕下設反坫。上陳尊壘卮爵。  
至時。公主福晉以下大臣命婦等。自

永康右門入進。

慈寧門序立於東西丹墀。禮部堂官轉傳內監奏請  
皇后具禮服。

皇貴妃

貴妃

妃

嬪各禮服乘輿依次出

隆宗門大臣命婦八人前引至

永康左門降輿謹案乾隆二十五年元旦次日皇太后宮筵燕儀節

皇后 皇貴妃 徽音左門外降輿

皇后前行

皇貴妃

貴妃

妃

嬪隨行由

慈寧門東門入引禮大臣命婦引

皇后至丹陛上東旁立。

皇貴妃

貴妃

妃

嬪等至丹陛上於

皇后次稍後分班東西嚮立。公主福晉以下。大臣命婦等。按翼於丹陛上東西嚮立。引禮大臣命婦轉傳內監。奏筵燕齊備。請

皇太后升寶座。中和韶樂作。奏豫平之章。

皇太后具禮服升座。樂止。引禮大臣命婦引

皇后

皇貴妃

貴妃

妃

嬪入次引公主福晉以下鄉君入八分公夫人以上各於

殿內就本位行一叩禮坐引大臣命婦於丹陛上各就本位行一叩禮坐尚膳女官內管領妻等進燕卓於

皇太后前退乃進茶丹陛清樂作奏海宇昇平日之章

尚茶女官內管領妻等進茶案。由中道進至殿檐下。闕外正中北面跪。進茶女官奉茶入殿中門。由

寶座中陞升。至

皇太后寶座前。跪進茶興。東面立。皇太后用茶時。

皇后率

皇貴妃

貴妃

妃

嬪以下各於坐處行一叩禮坐。女官受茶。由右  
陞降退出。

殿中門內府女官進

皇后

皇貴妃

貴妃

妃

嬪茶侍衛妻分

賜公主福晉以下大臣命婦以上茶

皇后率

皇貴妃

貴妃

妃

嬪以下行一叩禮飲畢復行一叩禮坐樂止尚茶  
女官率尚茶婦徹茶案退尚膳女官內管領妻  
入

殿恭展

皇太后御筵

皇后御筵幕以次展

皇貴妃

貴妃

妃

嬪以下席。各退。乃進酒。內管領妻等。自反站。上奉壺爵金卮。以次進。至

殿中門闕外之左。西面立。丹陛清樂作。奏玉殿雲開之章。進爵命婦興。離席。

皇后以下皆興。進爵命婦進前跪。

皇后率

皇貴妃

貴妃

妃

嬪以下皆於坐次跪。內管領妻舉壺實酒於爵。由中門入。西面跪授爵興。退。進爵命婦捧爵興。自寶座中陞升。由西邊進。

皇太后座側北面跪進爵。

皇太后受爵。進爵命婦興。由右陛下。復至原跪處跪。皇太后用酒時。進爵命婦行一叩禮。

皇后率

皇貴妃

貴妃

妃

嬪以下。行一叩禮。進爵命婦興。由右陞升。跪受爵。由中陞下。復至原跪處。跪。內管領妻跪受爵。退。皇后率衆先起。內管領妻以金卮酌酒。立。

賜進爵命婦酒。進爵命婦跪受。行一叩禮。飲畢。內管領妻立。接卮。退回原處。進爵命婦行一叩禮。起。樂止。

皇后以下各就坐。進爵命婦入席坐。

皇太后用饌。中和清樂作。奏萬象清宵之章。

恩賜果食於兩旁。尚膳女官進肉饌。執事女官分

賜餚饌於各席。內管領妻女官等進反坫。至丹陛下。樂止。內大臣命婦於

皇后

皇貴妃

貴妃

妃

嬪前各進酒一次。內管領妻各二人進前。令侍衛妻於公主福晉以下。大臣命婦以上。各巡酒一次。

皇后

皇貴妃

貴妃

妃

嬪各於本位行一叩禮。飲畢復行一叩禮坐。公主福晉以下大臣命婦以上亦各於本位行一叩禮。飲畢復行一叩禮坐。是時內監下宮門簾。禮部司官引慶隆舞由

慈寧門東西門入。

御前大臣引至丹陛上。司章歌作。小司舞大司舞。司舞人以次進舞。次喜起舞。大臣十八員朝服進

前正中。行三叩禮。退立東邊。司章於西邊。歌曲。喜起舞。大臣按對。依次進舞。每一對舞畢。退。正中。行三叩禮。畢。笳吹人員。由

慈寧門東門入。至丹陛上。奏蒙古樂曲畢。次掌儀司。官。引回部伎人。朝鮮擲倒伎人。金川番子。番童。等。陳百戲畢。退。仍由東西門出。內監啟簾。內管領。妻升。徹。

皇太后御筵退。引禮大臣命婦引。

皇后

皇貴妃

貴妃

妃

嬪起於丹陛上嚮上立引公主福音以下大臣命婦等在丹陛上東西俱嚮上立奏行禮。

皇后率

皇貴妃

貴妃

妃

嬪公主福音命婦等謝

恩燕行二肅一跪一拜禮丹陛大樂作奏益平之章禮

畢樂止。引禮大臣命婦引。

皇后

皇貴妃

貴妃

妃

嬪公主福晉大臣命婦等。各復原位立。引禮大臣命婦轉傳內監奏請。

皇太后還宮。中和韶樂作。奏履平之章。

皇太后還後宮。樂止。引禮大臣命婦奏禮畢。引。

皇后

皇貴妃

貴妃

妃

嬪仍由

慈寧門東門出引禮大臣命婦前引至

永康左門外。

皇后

皇貴妃

貴妃

妃

嬪乘輿還宮。東皆退。○順治十年定。

皇太后宮三大節筵燕。

皇后率

妃

嬪園倫公。奉親王福晉以下。縣主輔國公夫人及  
公侯伯子男大學士尚書都統等命婦以上均  
與。

皇太后

皇后

妃

嬪筵燕尚膳監供辦親王世子郡王各進筵席牲酒外藩貝勒貝子每旗各進牲酒皆交尚膳監收進陳設不足光祿寺供辦。康熙四年題准

太皇太后

皇太后前三大節親王郡王恭進筵席牲酒。乾隆三年正月初二日。

慈寧宮筵燕設饌筵三十席羊二十酒二十瓶親王郡王每人進席一羊一酒一瓶共進席二十羊二十酒二十瓶光祿寺增備十席。十五年正月初二日。

慈寧宮筵燕奉

旨二品大臣命婦咸令與燕。○又題准親王十有一人。郡王九人。應進席二十。羊二十。酒二十瓶。光祿寺增備席二十。共席四十。交內務府收入陳設。○十六年題准。

皇太后萬壽筵燕定饌筵四十席。○又親王郡王進席等項及光祿寺增備席數俱與十五年正月初二日同。○二十四年

諭來年正月初二日係齋戒日期

皇太后宮筵燕亦著於初一日。○又奏准。

慈寧宮燕畢膳卓。交本首領內監分給拜唐阿內監等。

○二十五年。

慈寧宮筵燕設席四十。親王十有一人。郡王七人。進席十八。羊十八。酒十八瓶。光祿寺增備席二十二。酒二瓶。兩翼稅務增備羊二。交內務府收入陳設。○二十六年奉

旨

皇太后萬壽筵燕。阿哥等進三九。近派王等進三九。顯親王等進三九。欽此。內務府遵

旨辦理。將向例王等各進卓一羊一酒一瓶。統入於六

九數內。○三十五年正月初二日。

慈寧宮筵燕設席四十。親王九人。郡王六人。共進席十五。羊十五。酒十五瓶。光祿寺增備席二十五。酒五瓶。兩翼稅務增備羊五。交內務府收入陳設。

○又奏元旦

太和殿筵燕內饌筵應進

慈寧宮卓十有八。元旦用卓九。留為初二日筵燕之用。至初二日例設卓四十。酌減十張。合為留九張。共減十九張。尚有三十張。儘足數用。奉

旨再減十張。

謹案是年牲酒數目照筵席之例減羊十。酒十瓶。

○三十六年題

准

皇太后萬壽筵燕均遵照二十六年之例敬謹辦理。  
嘉慶二十五年欽奉

皇太后懿旨道光元年元旦壽康宮著停止行禮。道光二年

諭皇后率內廷主位公主福晉以下命婦等恭謝恩燕著改為在坐次行三拜禮。又

諭元旦次日

皇太后宮筵燕卓張屆期殿內安設若干張殿外安設若干張著交內務府分別具奏並傳南府太監屆期

承應其禮部所奏樂舞俱毋庸豫備。○五年十月。

皇太后五旬萬壽聖節。欽奉

懿旨。本月初十日。著停止行禮筵燕。其福晉命婦進內慶祝之處。仍照向例行。○又奉

皇太后懿旨。明年元旦令節。著停止行禮。○十五年。

皇太后六旬萬壽聖節筵燕卓張數目。奉

旨。著用二十張。○同治二年議准。元旦次日

皇太后慈寧宮筵燕。暫緩舉行。○光緒十年

諭。本年十月初十日。

慈禧端佑康頤昭豫莊誠皇太后五旬萬壽。奉

懿旨。是日在慈寧宮行禮。至禮成後。內庭自有筵燕。照例筵燕之處。毋庸舉行。其在外公主福晉命婦。著進內行禮。○十九年

諭。明歲元旦令節。禮部以應行筵燕禮儀。具題請旨。明歲恭逢

慈禧端佑康頤昭豫莊誠壽恭欽獻皇太后六旬萬壽。所有應行筵燕。自應照例舉行。朕欽奉

懿旨。元旦令節。著照例行禮。慈寧宮筵燕。著於正月二十五日舉行。其在外公主福晉命婦。均著進內行禮。欽此。所有應行豫備事宜。著禮部會同各該衙門

查照例章先期敬謹辦理○又

諭禮部奏明年正月

慈寧宮筵燕事宜一摺朕欽奉

慈禧端佑康頤昭豫莊誠壽恭欽獻皇太后懿旨正月二十五日皇帝率領王公百官詣慈寧宮筵燕二十六日公主福晉命婦詣慈寧宮筵燕又該部另題正月初十日應行禮儀一本著於正月二十七日在外公主福晉命婦均在內殿筵燕欽此所有二十五二十六二十七等日一切應行事宜著禮部會同各該衙門詳議具奏○又奉

旨朕欽奉

慈禧端佑康頤昭豫莊誠壽恭欽獻皇太后懿旨。明年正月二十五日。慈寧宮筵燕。予入座時。皇帝在納陞下東。行三叩禮入座。總管進奶茶。賞皇帝奶茶時。茶房侍衛等。由殿門外捧進。交總管遞與皇帝。皇帝在納陞下跪受。行一叩禮。飲畢。復行一叩禮。以次賞諸王大臣等。俱由侍衛分賞。派慶郡王奕劻進爵。賞皇帝及王大臣等酒。照前儀。俟蒙古樂曲進殿時。皇帝登納陞上。總管遞與皇帝酒。皇帝跪受。行一叩禮。飲畢。復行一叩禮。仍下納陞入座。以次御前大臣晉祺。

奕劻那彥圖載漪軍機大臣世鐸額勒和布張之萬  
孫毓汶徐用儀睿親王魁斌鄭親王凱奉肅親王隆  
懃莊親王載勳怡親王溥靜蒙古親王色旺諾爾布  
桑保德木楚克多爾濟郡王旺都特那木濟勒那木  
濟勒旺楚克察克達爾札布達木林達爾達克烏泰  
布彥烏勒哲依多爾濟帕拉穆等分左右上納陞總  
管以次賞畢仍各入座俟舞獅子上總管太監徹燕  
卓畢皇帝在納陞下居中嚮上行三叩禮諸王大臣  
等隨行三叩禮○二十年

諭本月二十五等日

慈寧宮舉行筵燕典禮攸關。允宜倍加嚴肅。承辦各衙門務當遵照禮部奏定儀節。敬謹將事。二十五日著派御前大臣二十六日著派總管內務府大臣稽查彈壓。不准閒人擅入。執事人等如有到班遲誤及草率紛擾情事。即著據實參辦。以昭慎重。

欽定大清會典事例卷五百十七

禮部

燕禮

皇后宮筵燕  
皇孫  
皇曾孫  
大婚筵燕  
皇元孫婚

禮筵燕  
親王以下無職  
覺羅以上婚禮筵燕  
官員士庶婚禮筵燕  
公主下嫁筵燕

郡主以下成婚筵燕

皇后宮筵燕。恭遇

皇后千秋節。

皇后宮筵燕之禮。是日掌儀司內監設中和韶樂於

宮檐下。設丹陛樂於

宮門內檐下。俱北嚮。進爵命婦。及前引並引禮散

茶之侍衛命婦俱蟒服於

皇后宮聚齊內務府視設席尚膳女官內管領妻等

豫設

皇后燕卓於

寶座前稍遠設

皇貴妃

貴妃

妃

嬪燕卓於

寶座東西兩旁。食嚮設公主福晉以下鄉君入八分

公夫人以上席於

殿內。重行。均東西相嚮。設公侯伯子男滿洲一二品大臣命婦侍衛妻席於丹陛上。均東西相嚮。張黃幕。設反坫於

大宮門內正中。壺爵金卮皆具。至時。總管內監奏筵燕齊備。請

皇貴妃

貴妃

妃

嬪俱龍袍補服。乘輿依次出。侍衛命婦前引。至

殿內各就位次少立。總管內監奏請

皇后升寶座。中和韶樂作。奏淑平之章。

皇后升座。樂止。引禮侍衛命婦引

皇貴妃

貴妃

妃

嬪各於位次行一叩禮坐。引公主福晉以下鄉君

入。八分公夫人以上及大臣命婦各就本位行

一叩禮坐。尚膳女官內管領妻等進燕卓於

皇后前。退。丹陛清樂作。奏海宇昇平日之章。尚茶女

官進茶。

皇后用茶。

皇貴妃以下。各於位次跪。行一叩禮。茶畢。仍就坐。  
內府女官進

皇貴妃

貴妃

妃

嬪茶。侍衛命婦分

賜公主福晉夫人命婦等茶。

皇貴妃以下。俱於位次行一叩禮。飲畢。復行一叩

禮坐。樂止。尚膳女官內管領妻入。

殿。恭展。

皇后御筵幕。以次展。

皇貴妃以下席幕。各退。乃進酒。內管領妻等自反。站。上奉壺爵金卮。以次進至。

殿中門闕外之左。西面立。丹陛清樂作。奏玉殿雲開之章。進爵命婦興。離席。

皇貴妃以下皆興。進爵命婦進前跪。

皇貴妃以下皆於坐次跪。內管領妻奉爵舉壺。實酒於爵。由中門入。西面跪授爵興。退。進爵命婦。

奉爵興自

寶座中陞升。由西邊進

皇后座側。北面跪進爵。

皇后受爵。進爵命婦興。由右陛下。復至原跪處跪。

皇后用酒時。進爵命婦行一叩禮。

皇貴妃以下。皆行一叩禮。進爵命婦興。由右陞升。

跪受爵。由中陛下。至原跪處跪。內管領妻跪接

爵退。

皇貴妃以下。皆先起。內管領妻以金卮酌酒進。立

賜進爵命婦。進爵命婦跪受。行一叩禮。飲畢。內管領

妻立接卮退。進爵命婦行一叩禮起。樂止。

皇貴妃以下皆就坐。進爵命婦入席坐。

皇后用饌。中和清樂作。奏萬象清甯之章。

恩賜食品於兩旁。尚膳女官進肉饌。分

賜公主福晉夫人大臣命婦等畢。內管領妻女官等  
進反坫。樂止。侍衛命婦於

皇貴妃

貴妃

妃

嬪前各進酒一次。

皇貴妃

貴妃

妃

嬪等。各於本位行一叩禮。飲畢。復行一叩禮。坐。內管領妻各二人進。引侍衛命婦等。於公主福晉夫人大臣命婦等。各巡酒一次。各於坐次行一叩禮。飲畢。復行一叩禮。坐。是時內監垂簾。蒙古樂歌人員。由東角門入。至丹陛上。奏蒙古樂歌畢。退出。內監啟簾。

皇貴妃以下皆起立。引禮侍衛命婦引

皇貴妃

貴妃

妃

嬪於丹陛上。嚮上立。引公主福晉以下大臣命婦等。立丹陛上東西。均嚮上排立謝。

恩行二肅一跪一拜禮。丹陛大樂作。奏正平之章。禮畢。樂止。總管內監奏請。

皇后還宮。中和韶樂作。奏順平之章。

皇后升輿。樂止。前引侍衛命婦。引。

皇貴妃

貴妃

妃

嬪乘輿還宮。公主福晉夫人大臣命婦隨出。○崇  
德元年定。

皇后千秋節及各慶典設燕。

妃

嬪及公主福晉以下。至大臣命婦咸與。郡主縣主  
郡君縣君等均候。

旨傳集。如停止筵燕。公主福晉以下。均免傳集。

謹案  
公主

福晉進  
內行禮之處  
亦係  
旨傳集。

大婚筵燕。凡恭遇

大婚筵燕之禮。納采日。有司詣

皇后邸設燕。

皇帝特命公主大臣命婦。燕后母於內。

命內大臣侍衛八旗公侯以下滿漢二品以上官。燕后父於外。外燕朝服。后父為賓。席東上。內燕吉服。后母為賓。席西上。序坐。行酒三巡。如常燕儀。奉迎日。宮中設合巹燕。總管太監具奏。

皇帝禮服御中宮。行合巹禮。翼日。尚膳監潔具

皇后盥饋

皇太后御席。又具

皇太后醴饗

皇后御席。內監侍豫設朝見拜位於

慈寧宮內正中。北嚮。又設醴位於東。西南嚮。質明。

皇太后儀駕樂懸。陳設如常儀。內監轉奏

皇后行朝見禮。

皇后禮服出中宮。乘輿導從如儀。詣

慈寧宮降輿。引入丹陛上西位。東嚮立。內監轉奏

皇太后禮服出內宮。中和韶樂作。

升座。樂止。贊引命婦引

皇后詣正中拜位。行六肅三跪三拜禮。興。少退。立。尚  
食進席於

皇太后前。

皇太后舉酒。舉饌。引禮命婦引

皇后復行二肅一跪一拜禮。興。引詣醴位坐。尚食進  
席於

皇后前。

皇后舉酒。舉饌畢。興。內監侍徹。贊引引詣拜位。行禮  
如初。少退。西嚮立。

皇太后降座。作樂還宮。引禮命婦引

皇后出乘輿還中宮。執事命婦皆退。越日午刻。樂部和聲署陳樂懸於

太和殿常次。尚膳供

御膳饌。光祿寺備燕席。

皇帝御太和殿。

賜后父及其族屬燕。王公百官咸與。后父布席於

殿內。王公之末。其族屬按翼於本旗序品列坐。

駕升寶座時。王公以下陪位如常。鴻臚寺官引后父

率其族屬詣丹墀東北面。行三跪九叩禮畢。均

引入班。就坐位。陳席奏樂行酒。如元旦筵燕儀。

皇太后御慈寧宮。

賜后母及其親屬燕。公主福音夫人大臣命婦咸集。內監陳樂懸。內務府官供饌具。后母布席於夫人之末。其親屬按品布席於命婦之位。

皇太后升寶座時。公主以下陪位。引禮命婦。引后母率其親屬詣丹墀東。北面。行六肅三跪三拜禮畢。均引就位坐。陳席奏樂行酒。如元旦次日筵燕儀。○順治八年奏儀。

大婚禮成於

太和殿設燕。后父及其親屬。並王公百官咸與。共

設二百席。行禮作樂。如元旦儀。

皇太后宮設燕。后母及其內親屬。並公主福晉夫人大臣命婦咸與。十一年奏准。

大婚禮成後。於第三日設燕。一應禮儀與八年同。康熙四年奏准。

大婚納采日。於

皇后邸設燕。外燕內大臣侍衛八旗民公以下。文武二品以上咸與。內燕派公主三人。命婦三人往與。大婚日行禮畢。設合卺燕。餘與順治八年筵燕同。

同治十一年。欽奉

慈安皇太后

慈禧皇太后懿旨。納采日。后母著毋庸與燕。禮節內特命大臣命婦六人。並著毋庸奏派。其應用筵燕卓張者。該衙門照例豫備。仍設於皇后邸第。○又奉

懿旨。皇帝大婚。所有九月十九日慈寧宮筵燕時刻。著由內傳旨屆時舉行。○又奉

懿旨。親王郡王應進卓張羊酒。照例進。○又奏有  
大婚禮成

太和殿筵燕於王公等所進卓張羊酒內恭進

慈安皇太后前卓九羊九酒九瓶

慈禧皇太后前卓九羊九酒九瓶

皇后前卓九羊九酒九瓶均交內務府收進。又奏准  
太和殿燕后父暨王公百官卓一百八十九羊七十七酒  
七十七瓶共卓二百一十六羊一百四酒一百四瓶王  
公等進卓一百三十二羊七十二酒七十二瓶不敷卓  
張羊酒照例交光祿寺兩翼分別增備。又奏准

太和殿筵燕

殿內設卓一百。為王公一二品文武大臣台吉  
塔布囊伯克並前引大臣及起居注官等列坐  
殿檐下設卓二。為都察院左都御史左副都御史

理藩院尚書侍郎列坐。丹陛上設卓四。為一  
二品世爵。及侍衛等列坐。丹墀左右共設卓四  
十。為三品京堂以下文武各官列坐。並設外國  
來使卓二於西班之末。共設卓一百八十五。用羊  
七十五。酒七十五瓶。○又奏准。后父族屬共七人。  
殿內添設卓一。為后父列坐在王公之次。丹墀內  
添卓三。為后父族屬列坐。仍按翼序品。計添卓  
四。羊二。酒二瓶。共設卓一百八十九。羊七十七。  
酒七十七瓶。其各省滿漢文武大臣來京

陛見應入

太和殿筵燕者恭請

聖安後。卽至侍衛處報到。由侍衛處遵照向章。知照各衙門添設卓張坐次。○光緒十四年。欽奉

慈禧端佑康頤昭豫莊誠皇太后懿旨。慈禧寧宮燕親郡

王。應進餚卓三十張。羊三十隻。酒三十瓶。內

著進上餚卓十張。羊十隻。酒十瓶。賞給后母

餚卓二十張。羊二十隻。酒二十瓶。

皇子

皇孫

皇曾孫

皇元孫婚禮筵燕。凡

皇子以下婚禮筵燕。初定日。於福音家備伶樂。外  
燕於廳事。福音親族職官。及不入直之公侯伯  
內大臣侍衛一二品大臣。朝服畢會。午刻鴻臚  
寺官引入升堂。福音親族及本旗大臣侍衛東  
位西面。各旗公侯伯等官。西位東面。就席一叩  
坐。司茶奉茶。眾受茶。飲茶畢。皆一叩。司筵奉果  
食。酌酒。伶工入奏。眾獻酬。樂闋。興出。司筵徹果食。  
眾易蟒袍補服。仍入就位。司筵奉饌。酌酒。奏樂。獻  
酬。交錯如初。樂闋。興。鴻臚寺官引眾官詣堂下。望

闕北面序立。聽贊行三跪九叩禮。興退。內燕於中堂。福晉親屬諸婦。及一二品命婦咸會。內務府管領。妻量人給事行酒。如外堂燕儀。成婚日。燕福晉父母親族羣臣。如初定儀。○康熙年間定。皇子婚禮。納采日。於福晉家設燕。外燕福晉親族職官及不入直之公侯伯以下。內大臣侍衛一二品大臣咸與。內燕福晉女眷及一二品命婦咸與。成婚日。於箭亭及

皇子所居近處。咸結采。設燕與納采日同。○又定。皇子婚禮。納采日。設燕五十席。餼餼卓五十張。酒

五十瓶。羊三十六。成婚日。設燕六十席。餽餽卓六十張。酒六十瓶。羊四十五。合卺燕用羊五。皇孫婚禮。納采日。設燕三十席。餽餽卓三十張。酒三十瓶。羊二十六。成婚日。設燕四十席。餽餽卓四十張。酒四十瓶。羊三十五。餘與

皇子例同。

皇曾孫婚禮。納采日。設燕十六席。餽餽卓十六張。酒十六瓶。羊十二。成婚日。設燕二十席。餽餽卓二十張。酒二十瓶。羊十六。餘與

皇子例同。○嘉慶三年定。

皇元孫婚禮。納采日。設燕十二席。餗餗卓十二張。

酒十二瓶。羊八。成婚日。設燕十四席。餗餗卓十

四張。酒十四瓶。羊十二。

謹案皇元孫納采成婚二燕。除卓張。羊酒官

為料理外。餘照王以下。業已分府之例。議惟交本家自行備辦。

親王以下。無職覺羅以上。婚禮筵燕。崇德年間

定。親王婚禮。聘朝臣之女者。納采日。設燕五十席。

酒五十瓶。牲三十六。成婚日。設燕六十席。酒六十

瓶。牲四十五。若定外藩王貝勒台吉之。如納采日

燕。用牲四十有五。成婚日。燕用牲六十有三。世子

郡王婚禮。聘朝臣之女者。納采日。設燕四十席。酒

四十瓶牲二十有七。成婚日設燕五十席。酒五十瓶。牲三十有六。若聘外藩王貝勒台吉之女。納采成婚兩燕。用牲與親王同。貝勒婚禮聘朝臣之女者。納采日設燕三十席。酒三十瓶。牲十有八。成婚日設燕四十席。酒四十瓶。牲二十有七。若定外藩王貝勒台吉之女。納采日燕。用牲二十有七。成婚日燕。用牲四十有五。貝子婚禮聘朝臣之女者。納采日設燕二十席。酒二十瓶。牲十有四。成婚日設燕三十席。酒三十瓶。牲二十有一。若聘外藩王貝勒台吉之女。納采日燕。用牲十有八。成婚日燕。用

牲二十有七。鎮國公婚禮。聘朝臣之女者。納采日。設燕十八席。酒十八瓶。牲十有三。成婚日。設燕二十八席。酒二十八瓶。牲十有七。若聘外藩王貝勒。台吉之如納采日。燕用牲十有八。成婚日。燕用牲二十有七。輔國公婚禮。聘朝臣之女者。納采成婚。兩燕視鎮國公減席二牲。若聘外藩王貝勒。台吉之女。兩燕均與鎮國公同。鎮國將軍婚禮。納采日。用牲六。成婚日。設燕十有五席。輔國將軍婚禮。納采日。用牲四。成婚日。設燕十席。奉國將軍婚禮。納采日。用牲三。成婚日。設燕八席。閒散宗室婚禮。

納米。日用牲二。成婚日。設燕五席。○又定覺羅婚禮。有職者各照品級。無職者與庶民同。○順治九年。定開散宗室婚禮。納米。日用牲二。成婚日。設燕六席。無職覺羅婚禮。納米。日用牲二。成婚日。設燕五席。○道光四年。定奉恩將軍婚禮。納米。日用牲二。成婚日。設燕七席。

官員士庶婚禮筵燕。○順治九年。定公婚禮。納米。日用牲九。成婚日。設燕二十席。侯婚禮。納米。日用牲八。成婚日。設燕十有八席。伯婚禮。納米。日用牲七。成婚日。設燕十有七席。一品官婚禮。

納采日。用牲六。成婚日。設燕十有五席。二品官  
婚禮。納采日。用牲四。成婚日。設燕十席。三品官  
婚禮。納采日。用牲三。成婚日。設燕八席。四品官  
婚禮。納采日。用牲二。成婚日。設燕六席。五品官  
婚禮。納采日。用牲二。成婚日。設燕五席。六品以  
下官婚禮。納采日。用牲二。成婚日。用牲三。軍民  
人等。納采日。用牲一。成婚日。用牲二。康熙七  
年定。公。納采日。設燕十有六席。成婚日。設燕二  
十六席。侯。納采日。設燕十有三席。成婚日。設燕  
二十席。伯。納采日。設燕十有二席。成婚日。設燕

十有八席。一品官納采日。設燕十席。成婚日。設燕十有六席。二品官納采日。設燕八席。成婚日。設燕十有二席。三品官納采日。用牲八。成婚日。設燕九席。四品官納采日。用牲七。成婚日。設燕八席。五品官納采日。用牲六。成婚日。設燕六席。六品以下官。納采日。用牲五。成婚日。用牲七。○雍正元年定。二品官成婚日。設燕十有三席。公主下嫁筵燕。○凡公主下嫁筵燕之禮。是日。樂部和聲署。陳中和韶樂於保和殿檐下左右。陳丹陛大樂於

中和殿北檐下左右。笳吹隊舞。雜技百戲。俟於殿外東隅。武備院張黃幕於

中和殿後階下正中。內務府管領設反坫於幕內。尊爵金卮壺勺具。尚膳總領於

寶座前設

御筵稍遠。內大臣內務府大臣禮部光祿寺堂官視設席。陳肉於盤。額駙父額駙暨族中人員俱朝服。理藩院尚書侍郎鴻臚寺官引至

皇太后宮門前。

若額駙非外藩。即毋庸理藩院引。以下並同。

不贊。行三跪九

叩禮畢。引至

保和殿丹陛上立。

皇子王及在班次之大臣侍衛人等。各就班次立。至時。禮部堂官奏設燕齊備。

皇帝具龍袍袞服升殿。中和韶樂作。奏隆平之章。

皇帝升座。樂止。鴻臚寺鳴贊官贊排班。理藩院堂官

鴻臚寺官引額駙父額駙暨族中人員排班聽

鳴贊官贊行三跪九叩禮。丹陛大樂作。奏治平

之章。禮畢。樂止。理藩院堂官鴻臚寺官引額駙

父額駙暨族中人入班次。與衆俱行一叩禮坐。

護軍參領尚膳總領移

御筵就近。退。丹陛清樂作。奏海宇昇平日之章。尚茶  
正進茶。

皇帝用茶時。眾俱於坐次跪。行一叩禮。茶畢。侍衛進  
前散茶。眾俱於坐次行一叩禮。飲畢。復行一叩  
禮。坐。樂止。展席幕。內務府掌儀司官。由黃幕內。  
一員奉壺。一員奉爵。一員執金卮。以次由中路  
進。丹陛清樂作。奏玉殿雲開之章。眾皆起立。進  
爵。大臣出。釋補服。服端軍時於

殿門檻外西旁東嚮立。掌儀司官上。

殿階。在檻外東旁西嚮立。理藩院堂官鴻臚寺官

引額駙各額駙暨族中人員出。至階下甬道兩旁立。進爵大臣進前跪。衆咸於各坐次跪。額駙父等在。

殿階下甬道兩旁跪。掌儀司官舉壺實酒於爵。西面跪授爵興。退。進爵大臣奉爵興。自

寶座中陞升。由西邊進

御座側。跪進爵。

皇帝受爵。進爵大臣興。由右陞下。復至原跪處跪。

皇帝用酒時。進爵大臣行一叩禮。衆皆隨行一叩禮。進爵大臣興。由右陞升。跪受爵。仍由中陞下。復

原跪處跪。掌儀司官跪接爵。退衆先起立。掌儀司官以金卮酌酒進立。

賜進爵大臣。進爵大臣跪接。行一叩禮。飲畢。掌儀司

官立接卮。退。進爵大臣行一叩禮。起服補服。

端服

軍時著歸班次。理藩院堂官鴻臚寺官於

賜進爵大臣酒時。即引額駘父等歸班立。樂止。衆皆

行一叩禮坐。

皇帝用饌。中和清樂作。奏萬象清甯之章。

恩賜食品於兩邊畢。尚膳正進肉饌。分

賜衆畢。進反沾。樂止。

御前侍衛奉酒置

御前卓上領侍衛內大臣監看侍衛授酒衆接酒行  
一叩禮飲畢復行一叩禮是時蒙古樂歌人員

進奏蒙古樂畢

若頭駙非外滿進  
滿洲樂歌演戲

反站

御筵俱徹衆皆起立理藩院堂官鴻臚寺官引額駙  
父等至原行禮處聽鳴贊贊謝

思行一跪三叩禮入燕之

皇子主大臣均於坐次行一跪三叩禮興丹陛樂  
作奏治平之章禮畢樂止禮部堂官奏筵燕禮  
成中和韶樂作奏顯平之章

皇帝還宮。樂止。衆皆出。是日。於

皇太后宮行筵燕禮。黎明。掌儀司內監設中和韶樂於  
慈寧宮檐下。設丹陛樂於

慈寧門內檐下。俱北嚮。理藩院堂官。鴻臚寺官。率額  
駙父。額駙。並族中人員。俱朝服於

慈寧門外行三跪九叩禮。額駙族中女眷俱朝服。進  
爵命婦。及前引引禮散茶酒之侍衛命婦。俱蟒  
服。於

永康右門外聚齊。內務府視設席。尚膳女官。內府  
管領妻等。豫設

皇太后大燕卓於

寶座前。稍遠。設

皇后燕卓於

寶座東旁。僉嚮。設

皇貴妃

貴妃

妃

嬪燕卓於東西次。稍後。各據設坐褥。設額駙族中  
女眷卓於西邊東嚮。設進爵命婦侍衛命婦等  
卓於月臺上東邊西嚮。張黃幕。設反坫。陳金器

於

慈寧門下。屆時。禮部堂官令內監領額駙族中女眷。進爵命婦侍衛命婦等。於

隆宗門外排立。禮部堂官轉傳內監奏請

皇后率

皇貴妃

貴妃

妃

嬪俱龍袍補服。乘輿。依次出

隆宗門。侍衛命婦等前引。額駙族中女眷等後隨。

至

永康左門降輿由

慈寧門東門入。引禮侍衛命婦。引

皇后

皇貴妃

貴妃

妃

嬪。至各位次立。引額駙族中女眷。至丹陛上立。總

管內監奏設燕齊備。請

皇太后升

寶座。

皇太后具龍祀補服出宮。中和韶樂作。奏豫平之章。

皇太后升座。樂止。引禮侍衛命婦。引額駙族中女眷。依次嚮上排立。行六肅三跪三拜禮。丹陛樂作。奏益平之章。禮畢。樂止。

皇后

皇貴妃

貴妃

妃

嬪各於本位行一叩禮坐。引禮侍衛命婦引額駙

族中女眷入坐次。行一叩禮坐。尚膳女官內管領妻等。進大燕卓於

皇太后前。丹陛清樂作。奏海宇昇平日之章。尚茶女官進茶。

皇太后用茶時。

皇后以下。各於位次跪。行一叩禮。茶畢。內府女官進皇后

皇貴妃

貴妃

妃

嬪茶。侍衛命婦分

賜額駙族中女眷茶。

皇后以下。俱於位次行一叩禮。飲畢。復行一叩禮坐。  
樂止。展席幕。內管領妻自黃幕內。奉壺爵金卮。  
由中路進。丹陛清樂作。奏玉殿雲開之章。

皇后以下皆興。進爵命婦出。在

殿檻外西旁東嚮立。引禮侍衛命婦。引額駙族中  
女眷出。至階下甬路兩旁立。內管領妻上

殿階檻外。東旁西嚮立。進爵命婦進前跪。

皇后以下皆跪。額駙族中女眷。在甬路兩旁跪。內管

領妻奉爵跪授興退進爵命婦奉爵興自

皇太后寶座中陞升由西邊進

皇太后座側跪進爵

皇太后受爵進爵命婦興由右陛下復原跪處跪

皇太后用酒時進爵命婦行一叩禮

皇后率

皇貴妃

貴妃

妃

嬪以下行一叩禮進爵命婦興由右陞升跪受爵

仍由中陛下。復原跪處跪。內管領妻跪接。退。  
皇后以下俱先起立。引禮侍衛命婦引額駙族中女  
眷。入坐次立。內管領妻以金卮酌酒進。立。

賜進爵命婦。進爵命婦跪接。行一叩禮。飲畢。內管領妻  
立接卮。退。進爵命婦行一叩禮起。就坐次。樂止。  
皇后以下。皆行一叩禮坐。

皇太后用饌。中和清樂作。奏萬象清甯之章。  
恩賜食品於兩邊。尚膳女官進肉饌。分。

賜額駙族中女眷。及進爵命婦侍衛命婦等畢。內管領  
妻女官等。進反坫。樂止。侍衛命婦於

皇后

皇貴妃

貴妃

妃

嬪前各進酒一次。

皇后

皇貴妃

貴妃

妃

嬪各於本位行一叩禮。飲畢。復行一叩禮。生內管

領妻各二人進前。引侍衛命婦等於額駙族中女眷。各巡酒一次。額駙族中女眷亦各於坐次行一叩禮。飲畢。復行一叩禮坐。是時。內監垂簾。蒙古樂歌人員由

慈寧門東門入。至丹陛上。奏蒙古樂歌畢。退出。內監啟簾。

皇后以下皆起立。引禮侍衛命婦。引額駙族中女眷在丹陛上。依次嚮上排立謝。

恩。行二肅一跪一拜禮。丹陛樂作。奏益平之章。禮畢。樂止。總管內監奏請

皇太后還宮。中和韶樂作。奏履平之章。  
皇太后還後宮。樂止。引禮侍衛命婦引

皇后

皇貴妃

貴妃

妃

嬪。仍由

慈寧門東門出。侍衛命婦等前引。至

永康左門外。乘輿還宮。額駙族中女眷等隨出。至  
隆宗門外聚齊候。

皇后還後宮。理藩院堂官鴻臚寺官引額駙父額駙並族中人員仍朝服。至

乾清門西邊嚮

皇后宮。不贊。行三跪九叩禮。禮畢。內監引額駙族中女眷等由

隆宗門內右門入。至

皇后宮門前。行六肅三跪三拜禮畢。皆出。如

皇太后宮停止筵燕於

皇后宮行筵燕禮。是日。掌儀司內監設中和韶樂於寧壽宮檐下。設丹陛樂於

寧壽門內檐下。俱北嚮。進爵命婦及前引。並引禮散  
茶酒之侍衛命婦俱蟒服於

寧壽宮聚齊。候額駙族中女眷於

皇太后宮行禮畢。退。至

皇后宮行禮。侍衛命婦由東角門。引至丹陛上立。內  
務府視設席。尚膳女官內管領妻等。豫設

皇后燕卓於

寶座前。稍遠設

皇貴妃

貴妃

妃

嬪燕卓於

寶座東西兩旁。僉嚮。各豫設坐褥。額駙族中女眷卓。設於西旁東嚮。設進爵命婦侍衛命婦等卓於月臺上。東西相嚮。張黃幕。設反坫。陳金器於寧壽門下。至時。總管內監奏筵燕齊備。請

皇后

皇貴妃

貴妃

妃

嬪俱龍袍補服。乘輿依次出。侍衛命婦前引。至

寧壽宮。

皇后升寶座。中和韶樂作。奏淑平之章。引禮侍衛命婦。引

皇貴妃

貴妃

妃

嬪至各位次立。

皇后升座。樂止。引禮侍衛命婦。引額駙族中女眷。至丹陛上。依次嚮上排立。行六肅三跪三拜禮。丹

陸樂作。奏正平之章。禮畢。樂止。

皇貴妃

貴妃

妃

嬪各於本位行一叩禮坐。引禮侍衛命婦引額駙族中女眷入班次。行一叩禮坐。尚膳女官內管領妻等進燕卓於

皇后前。丹陛清樂作。奏海宇昇平日之章。尚茶女官進茶。

皇后用茶時。

皇貴妃以下。各於位次跪。行一叩禮。茶畢。內府女  
官進。

皇貴妃

貴妃

妃

嬪。茶。侍衛命婦分

賜額駙族中女眷茶。

皇貴妃以下。俱於位次行一叩禮。飲畢。復行一叩  
頭禮。坐。樂止。展席幕。內管領妻。由反坫取奉臺  
盞壺卮。由中路進。丹陛清樂作。奏玉殿雲開之

章。

皇貴妃以下俱起立。進爵命婦出。至

殿檻外西旁東嚮立。引禮侍衛命婦引額駙族中  
女眷出。至甬路兩旁立。內管領妻上

殿階檻外。東旁西嚮立。進爵命婦進前跪。

皇貴妃以下俱跪。額駙族中女眷在甬路兩旁跪。  
內管領妻酌酒奉爵。跪授進爵命婦起。退。進爵  
命婦接爵起。由

寶座中階升。由西邊進

皇后座側。跪進爵。

皇后受爵。進爵命婦起。由西階下。復至原跪處跪。

皇后用酒時。進爵命婦行一叩禮。

皇貴妃以下。俱行一叩禮。進爵命婦起。仍由西階升。跪接爵。由中階下。至原跪處跪。內管領妻跪接爵退。

皇貴妃以下。皆先起立。引禮侍衛命婦。引額駙族中女。眷入坐次立。內管領妻。以金卮酌酒進。立賜進爵命婦。進爵命婦跪接。行一叩禮。飲畢。內管領妻立接卮退。進爵命婦行一叩頭禮起。就坐次。

樂止。

皇貴妃以下。皆行一叩禮坐。

皇后用饌。中和清樂作。奏萬象清甯之章。

恩賜食品於兩邊。尚膳女官進肉饌。分

賜額駙族中女眷。及進爵命婦侍衛命婦等畢。內管

領妻女官等進反坫。樂止。侍衛命婦於

皇貴妃

貴妃

妃

嬪前。各進酒一次。

皇貴妃

貴妃

妃

嬪等。各於本位行一叩禮。飲畢。復行一叩禮。坐。內管領妻各二人進。引侍衛命婦等。於額駙族中女眷。各巡酒一次。額駙族中女眷亦各於坐次行一叩禮。飲畢。復行一叩禮。坐。是時。內監垂簾。蒙古樂歌人員。由

寧壽門東角門入。至丹陛上。奏蒙古樂歌畢。退出。內監啟簾。

皇貴妃以下皆起立。引禮侍衛命婦。引額駙族中

女眷在丹陛上。依次嚮上排立謝。

恩行二肅。一跪一拜禮。丹陛樂作。奏正平之章。禮畢。  
樂止。總管內監奏請。

皇后還宮。中和韶樂作。奏順平之章。

皇后升輿。樂止。侍衛命婦前引。

皇后

皇貴妃

貴妃

妃

嬪乘輿還宮。額駙族中女眷隨出。

禮節由儀制司  
會內務府樂部

具奏。○雍正七年奏准。公主下嫁筵燕。額駙進燕

九十席。乳酒黃酒共九十瓶。羊八十一。席由光祿寺豫

備。羊酒俱額駙家豫備。○乾隆十二年奏准。公主下嫁。初

定日。額駙所進筵席牲酒恭進

保和殿席六十。乳酒黃酒共七十瓶。羊六十三。內

大臣侍衛。額駙父。額駙及其族中有職人員咸

與燕。

慈寧宮席三十。乳酒黃酒共二十瓶。羊十八。

皇后

貴妃

妃

嬪俱至

慈寧宮會燕。額駙母及其族中女眷咸與。成婚日。筵燕如例。合卺燕。額駙家備羊九。酒九瓶。內取羊酒各一。用以醮祝。○又奏准。本年固倫公主下嫁。入班大臣俱令入燕。○十五年奏准。和碩公主下嫁。初定成婚。二燕。與十二年固倫公主下嫁同。○二十五年。和碩公主下嫁。奉

旨嗣後固倫公主。著筵燕二次。和碩公主。著筵燕一次。○三十五年。固倫公主下嫁。遵

旨酌減筵燕酒數。

保和殿設酒三十五瓶。

慈寧宮設酒十瓶。○是日大學士尚書等及現在住京之科爾沁王等一體入燕。○又

慈寧宮筵燕奉

旨派命婦八人入燕。○三十七年奏准和碩公主下嫁。初定日恭值

聖駕奉

皇太后駐蹕熱河將

保和殿筵燕停止。

慈寧宮筵燕改設於

永壽宮備席十六酒六瓶羊十○五十四年固倫  
公主下嫁初定日筵燕奉

旨所有應用卓張著內務府豫備羊酒亦著官辦○又

奉

旨派睿親王等十人入燕○又奉

旨皇子等亦著入燕○嘉慶六年和碩公主下嫁

保和殿設席六十

皇后宮設席三十羊酒各如例恭備

席仍由光祿寺  
豫備羊酒仍由

領駙家  
揀備○七年固倫公主下嫁初定成婚二燕

並同。○道光二十一年固倫公主薨降。因

聖駕駐蹕

圓明園奉

旨。筵燕俱著停止。○又奉

旨。此次壽安固倫公主下嫁。所有額駙應進一九禮。著

照例在圓明園恭進。其應進九九禮。著毋庸呈進。○

又奉

諭。奈曼王阿宛都窪第扎布。准其呈進羊三九隻。酒三

九瓶。著於十月初四日恭進。

謹案初四日係成婚次  
日阿宛都窪第扎布係

額駙地所有羊酒精膳司  
行知內務府自行呈進

○二十二年和碩公

主釐降初定筵燕奉

旨停止○又

諭壽臧和碩公主下嫁初定禮吉期和碩額駙恩醇應  
進一九禮著改進羊九隻○又奏准成婚前一日免  
進九九禮○二十四年固倫公主釐降初定成  
婚二次筵燕奉

旨停止○又

諭本年壽恩固倫公主下嫁於六月初四日辰時行初  
定禮固倫額駙景壽應進一九禮著改進羊九隻是  
日在圓明園大宮門外恭進○同治二年議准壽禧

固倫公主下嫁壽莊固倫公主下嫁初定成婚  
二燕均照案停止

郡主以下成婚筵燕○乾隆三十五年議准下  
嫁朝臣郡主成婚日設燕五十席酒五十瓶羊  
三十六縣主設燕四十席酒四十瓶羊二十七  
郡君設燕三十席酒三十瓶羊二十一縣君設  
燕二十席酒二十瓶羊十有七鄉君設燕十六  
席酒十六瓶羊十有四茶俱如酒數下嫁外藩  
郡主縣主成婚日設燕三十六席酒三十六瓶  
羊三十六茶視酒數減八郡君設燕三十席酒

三十瓶。羊三十。縣君鄉君設燕二十四席。酒二十四瓶。羊二十四。茶各視酒數減六。郡主以下合卷各用羊六。酒六瓶。由所備筵燕羊酒內取用上獻醮祝用羊一。酒一瓶。即在合卷羊酒數內取用。